


DEN AMBIENTE....

Fotos y Texto: Jan Poets

TUR COS TA DEPENDE DI E DESICION DI PHIL NEVIN SI SIDNEY PONSON LO BAI FORMA PARTI DI SAN DIEGO PADRES...


** Diasabra ultimo Orioles a cera un deal cu San Diego Padres pa e cambio di Sidney Ponson pa e primera base Phil Nevin. Den Skina Cayente a tuma contacto inmediatamente cu Sidney Ponson su abogado, Mr. Barry Praver, kende a confirma nos e deal ta poni riba mesa, ta solamente mester haya e aprobacion di e propio Phil Nevin kende tin e ultimo palabra debi cu e tin un "no-trade clause". Cosnan ta muestra cu Phil Nevin kende casi ta bisiaña di e stadion Pepco di San Diego Padres, no lo bai acepta e deal pa bai Baltimore. Di otro banda Sidney Ponson si ta desea pa bai San Diego Padres, cual equipo ta lider



Sidney Ponson..

actualmente den nan division. E cambio aki lo bai trece un bida y reto nobo pa Sidney Ponson, kende den e ultimo weganon no ta gozando di e sosten mereci di su compañero-

nan. E cambio aki alavez lo duna Sidney Ponson e oportunidad pa demostra su cualidadnan y un biaha mas e oportunidad pa saborea un play off season, enbista cu San Diego



Phil Nevin..


Padres actualmente ta lider den su division y ta gozando di un gran equipo cu lo brinda Sidney e sosten cu e merece. E unico persona

cu por brinda Sidney Ponson e oportunidad aki ta Phil Nevin, kende tin tur hende pendiente...

APESAR CU EUGENE KINGSALE A

TRAHA HOPI DURO CU SU BATEO...

TOG ORIOLES BALTIMORE A RELEASE EUGENE KINGSALE..



** Un noticia cu a laga nos hopi tristo ta e forma con Orioles Baltimore a retira Eugene Kingsale diasabra ultimo. Esnan cu ta sigui Eugene Kingsale hopi di acerca no por a kere cu Orioles a release Eugene, kende a traha

hopi duro riba su bateo y tabata briya cu su hitnan tanto den Bowie como den Triple AA cu un average di 344. Danki na e esfuerzonan incansable di Chu Halabi, cu Eugene Kingsale a ser invita pa e springtraining y a realiza un bon trabao cu hasta Orioles a dicidi pa e hunga na Maryland den Bowie pa asina e ta mas cerca di Camden Yards pa cualkier momento e subi bek den grandes ligas. Pero lamentablemente Orioles no a brinda Eugene un merecido oportunidad pa e demostra cu a bira tempo pa e ser valora como un big leaguer regular. Como cualkier ser humano, na e momentonan aki Eugene ta hopi down y mester di hopi motivacion. Ta di spera cu su abogado Barry Praver lo sa di convence un otro equipo di grandes ligas pa duna Eugene un otro oportunidad. Palabranan di hopi FORZA y cu tur e bon deseonan pa e futuro di Eugene Kingsale...

E DESEONAN TA ASINA GRANDI CU MESTER CUMPLI!!!!

POETS TV FOR DI BEIJING, CHINA....

AWENOCHI 9'OR PM ATRAVEZ DI TELE ARUBA...

** E deseonan ta asina grandi cu Poets TV mester ripiti e programa di "POETS TV FOR DI BEIJING, CHINA". E programa aki a ser pasa na Tele Aruba net despues di e temporada di carnaval y a causa un impacto grandi, debi cu ta pa prome biaha den historia cu Aruba por a mira un programa di e mundialmente famoso ciudad BEIJING produci pa un productor Arubano y presenta pa e popular escritor/actor di Corsow, Pachi Damon, kende e siman aki lo ta na Aruba den Cas di Cultura cu su

grupo di comedia pa presenta su obra nobo "Yerba a seca, baca a Muri y Lechi a Caba". Tambe Poets TV a realiza un programa sumamente interesante cu Pachi Damon na Hong Kong, cual muy pronto lo bai ser pasa na Tele Aruba, den cual Aruba por bai sera conoci cu e mundialmente maravioso ciudad HONG KONG durante un "Hong Kong Tour by Night". Pues keda pendiente y sinta disfruta awenochi cu Pachi den su movecionnan loco na BEIJING, CHINA.

